

ЖАДЫН

Республикалық әдеби-көркем және әлеуметтік журнал

Тарих және тұлға

Б. Нұр-Мұхаммед
Кенесары дала
реформаторы

Тарих және біз

Б. Мерекенова

Ана тілі — ар-үзданымыз

Бұлғай сың

Д. Бекшакұлы

Абайтандығы солақайлықтар

Поэзия

А. Ясанова
Балауса дәурен мұны

№ 10, 11, 12
2015 жыл



1947 жыл Алматы облысы Қаратал ауданы Қызылбалақ ауылында туған. Қазақ Педагогикалық Институтын (қазіргі Абай атындағы ҚазҰПУ) бітірген. Еңбек жолын "Лениншіл жас" (қаз. "Жас Алаш") газетінде бастады. 1978 жылдан "Егемен Қазақстан" газетінде қызмет істейді. Қазақстан Жазушылар Одагының мүшесі (1993). Қазақстан Журналистер одагы сыйлығының З мәрте лауреаты. Тәуелсіздіктің 10 жылдығына арналған, «Астанаға – 10 жыл» мерекелік медальдарымен, Құрмет граммаларымен марапатталған. Халықаралық «Алаш» сыйлығының лауреаты.

Жанат ЕЛЕШБЕК

ТАҒДЫР ТАҢБАЛАРЫ

Қызықты қараңыз... Ежелгі танысым санайтын онымен ен алғаш қашан, қайда, қалай кездескенім есімде жоқ. Таңданғаным да, аңырғаным да рас. Жады қоңырауын қанша дабылдатқанымен ойима ештеңе оралар емес. Мұндай да болады екен-ау. Куаныштысы сол, мен оның шығармашылық әлеміне әбден қанықпын. Елгезек те, ұшқыр қаламнан туған Толымбек дүниелерінің дені көз алдында жарқырап, көңіл сарайында жаңғырып тұр. Кезінде олардың кейбірі хакында ой-пікір айтып, жүрек лебізін білдіргеніміз бар. Ал сәтті тұстағы сыр өзегін тырнақалды туындылардан там-тұмдап тартқанды қолай көрдім. Өйткені, әр нәрсенің, әр әрекет-талаптың бастауымен қайнары болса керек. Сонымен...

I.

Иә, бүгінде мереілі алтыншы асқарына ентікпей көтеріліп отырған жазушы Толымбек Әбдірайымның аты-жөні қалың оқырман қауымға жақсы мәлім. Бұл жүрекжарды құрметті әңгіме әлкиссасында даңғаза қошамет үшін емес, жанкешті қаламгердің қадыр-қасиетін әспеттеу мақсатында қадап жеткізгім келеді.

Толымбектің тағдырылы өмір жолы шырғалаң да, елең еткізерлік. Алансыз балдәурен балалық шағы өз қатар-құрдастарына қарағанда өзгешелуе өткен ол тірліктің ашы-тұшы дәмін ертерек татып өсті. Отбасылық тауқыметті көрмese де қаршадайынан айнала-төнірегіндегі құбылыстарға серек көнілмен үнілуге құштар бала-жүрек тым әсершіл де, тым арманшыл еді. Сондықтан да өрімтал жеткіншек ерте есейді. Кішкентайынан ширақ, аса алғыр бол бой түзеген ол еңбекке де ерте араласыпты.



Толымбек ӘБДІРАЙЫМ

Онжылдықты бітірер-бітірместен үлкендердің сапында қой бағып, дала сырын теренірек үзуге үмтүлады. Ұйықтауды білмейтін алау жүрек қағілез бозбалага өзгелер секілді алыс шаһарларға оқу ізделеп сапар шегуге емес, іргедегі ел ішінде еңбек етуге жетелейді. Алғашқы жылы өзі туып-өсken Аягөз ауданындағы Б.Майлін селолық кенесінің хатшысы болып істейді. Тәжірибе жинақтай бастаған талапкер өнерпаз көп ұзамай Шұбартай аудандық «Жаңа Өмір» газетіне

әдеби қызметкерлікке қабылданады. Киелі сөз өнерінің тылсым тұнғыбына білек сыйбана сұнгіген Толымбек бүркүратып жаза бастайды. Мектеп қабырғасында музыкамен әуестеніп, ауыл сахнасында ән айтып, талғамы биік жұрт алдында көрінген болашақ қаламгердің есімін көшілік ендігі жерде баспасөз беттерінен кездестіргендегатты қуанған...

— Бірак... — Сәл бөгеліңкіреп, үн-тұнсіз ойға шомған Толымбек бауырым жүріп өткен сүрлеу-сокпақтарын жанарына елестетіп, ұзақ жолдың бел-белестерін бірер ауыз сөзben түйіп-түйіп жеткізген... — Жүрегім қалаған кәсібімнің сонына түсіп, ала қағазға тесіліп бас ұрудың реті болмады. Кеңестік қатаң жүйенің тәртібі бойынша әскери міндеттімді орындауға аттандым. Уақытша десек те қаламымды каруға алмастырып, солдаттың қым-қиғаш тірлігіне бейімделуге тұра келді. Қазіргідей өз атамекеніңде, жылға толар-толмас мерзім емес. Ресейдің Чита аймағында екі жыл әскери қызметтімді өткөрдім. Үлкен өмір мектебінің бірін абыраймен атқаруға тырыстық қой. Армия енжарлықты, бозекпелік пен шолжынды көтермейді. Ыстық ұядан алған тәлім-тәрбием бар қындықтан алыш шыққандай. Ең бастысы, қанға сіңген намыс-жігердің арқасында шындалу тезінен өтіп, талай тағдырлармен қоян-қолтық құн кештік. Өмір көрдім, адамдарды таныдым. Әу баста жете зер салмаған секілдімін, әйтпесе болашақ қалам иесіне қажет олжаның өзі — осы өмірден жиган-тергенің емес пе?!

Әскерден оралысымен Аяғөзде теміржолда жұмыс істедім. Сөйтіп жүріп көкейіме түйген дүниелерімді қағаз бетіне түсіруден еш жалықкан емеспін. Олардың бәрін бірдей газет-журналдарға ұсынбай, көңілімнен табылған озықтарын ғана аудандық, республикалық редакцияларға жолдадым. Қалам сілтесімді тап басып байқаған аудандық «Алға» газетінде істеген сүйікті қаламгер ағамыз Ерғазы Рахимовтың шарапатын көп көрдім. Жазу-сызудың ұнғыл-шұнғылын еркін менгерудің өзіндік құпияларын үйретудегі үлті-өнегесі ұшан-теңіз. Айтпақшы, қазақтың атақты жазушы-суреткөрі Оралхан Бекеймен тұнғыш таныстырған да Ерғазы көкем болатын. Өткен жылдардың өшпес елестері әрдайым мерейімді марқайтып, қаламыма куат береді-ай. Өкініштісі, әдеби ортаға, Алматыға өте кеш, отыз жасымда келдім. Алғашқы кітабым «Еркешора» тұра қырық жасымда жарық көріпті...

Сол кездегі рухани астана Толымбекке құшагын айқара аша салмағаны анық сезіледі. Көп қазақ жастарының мандағынан шерткен келенсіз құқайға тап болып, қалаға тіркеле

алмады. Амалсыз құрылышты қалағын қолға ұстады, кейінірек іргедегі Талғар аудандық, Алматы облыстық газеттерінде тер төкті. Талай соқпақтардан өткен ол еш мойымады. Ынтыға ден қойған, жан-тәнімен құлаған жазуын тастамады. Әстіп екіудай боп жүргенде қазақтың талантты сатиригі, «Балдырған» журналында жауапты хатшы боп істейтін жан досы Бейсебай Кірісбаев балаларға арнап әңгіме жазып беруді тапсырады. Тамаша ұсыныс жігер беріп бір беттік «Боранды күнде» атты алақандай әңгіме дүниеге келеді. Илешала «Кіндік шеше» әңгімесі журналға шығады. Жақсы адамның шапағаты шығар, Толымбек әдебиеттегі таза өз сүрлеуін осылайша табады.

Жұзінен иман нұры төгілген, әдетінше жайрандай сыр тиегін ағытқан өкшемізден ерген қаламdas әріптесім біраз жайдан хабардар еткен. Мінезге бай жазушы інімнің жұмсақ үні де сан құбыльып, әр кезенің жанында сақталған үзік-үзік көріністерін қаз-калпында әсерлеп, барынша шешен баяндайды. Ұққаным да, аңғарғаным да мол. Ұшқан ұсы мен өскен ортасы Толымбектің шығармашылық адамы болып қалыптасуына зор ықпал жасағаны даусыз. Әке-шешесі көзі қарақты, көкірегі ояу, сөз қадірін аса биік қастерлейтін ғазиз жүректі ғибратты жандар көрінеді. Сегіз баланың атасы атанған Ыбырайымұлы Сылдырбай ақсакал қанды соғысты белден кешкен майдангер.

Арғы-бергі тарихты, әдебиетті, қазақтың әдет-ғұрпы мен салт-дәстүрін жетік білетін. Есте жоқ замандағы ескі әңгімелерді майын тамызып шертумен бірге, небір батырлар жырлары мен хисса-дастандарды, халық ауыз әдебиетінің таңдаулы үлгілері мен қазақ ертегілерін кішкентай бұлдіршіндеріне кезек-кезек оқытып, тыңдаудан еш жалықкан емес. Әр алашқа тән қазақи қалыпты темірқазық санаған құймакұлак жас жеткіншек Толымбектің ой-өрісін, таным-білігін байытып, рухани кекжиегін кеңейтуге септігін тигізгені сөзсіз. Шырақты отбасының шамын жарқыратқан анасы Сарқыт Нұрқожақызы да айрықша дегдар, ақынжанды екен. Ауызекі сөздің өзін көркем, кестелеп әдемі жеткізетін шешесі орайлы тұста, көңілдене шабыттанып, толқыған сэттерінде өлең жолдарын табанда төгілдіре жөнелетін қасиетке ие. Қос бәйтерек балаларын әнбексүйгіштікке, адалдыққа, шынышылдыққа, өнерлі боп өсуге баулып, олардың бойына ұлттық нәрді молынан сіңіруді мақсат еткен аяулы да, асыл жандар екенін бұл күнде мен Толымбек бауырымның қаламынан туған әңгіме-хикаяттардан оқып, ерекше әсерге бөлөненемін. Қатты толғанып, тебіренемін. Оның да сиқырлы себебі бар. Жазушы жүрегінен сүзіліп, қайнап-пісіп шыққан әр сөздің салмағы,

эр эпизодтың әсері, әр оқиғаның өз тылсымы болса керек. Өйткені, ол – тағдыр таңбалары. Оны бар жан-дүниенмен сезінүшін көкірек көзіңің мейлінше қырағы, ал ой-қиялыңың ұшқыр болғаны жөн. Қайталап ескертемін, өмір-дерек ұшқындары осылайша тіл қатады...

Жыр дауылпазы Fafu ақын шығарғандай: «Өткенді тырнап-қырнап өшіре алмайсың, Адам ізі сүйкеп салатын әріп емес...» Улken әдебиеттің табалдырығын өлең, очерк жазумен аттаған жас талант жарқырап көрінді. Қазіргідей сапырып шығудың өзіне уақыт таппайтын қисапсыз газет-журналдар нөпіріндей емес, республикалық басылымдардың ұзын саны онға жетер-жетпес. Кімдердің не жазып, не қойып жүргені оқырманның көз алдында. Тіпті, қалам сұыттай көрінген үлкен-кішінің қай өнірде түршіп жатқанына дейін білетінбіз. Мінеки, сондай «ақ мылтық» жазғыштардың бірі – аягөздік дарын Толымбек Әбдірайым. Оның есімін «Қазақстан пионері» («Ұлан»), «Лениншіл жас» («Жас Алаш»), «Қазақ әдебиеті», «Ақ желкен», «Балдырған» тәрізді аса беделді газет-журналдардың беттерінен жиі ұшырататынбыз. Кезінде сүйсініп оқыған түрлі суреттемелер мен очерктердің тоқырыптары көкейіме ұялап қалыпты. Есіме түскендерін жаңғыртқан дұрыс шығар. Олар – «Оның ұшқан ұясы», «Жиырма жас – сенің жасың жарқылдаған», «Пойыз өтіп барады», «Ай астындағы ән», «Күс ұйқылы Мұқаш», «Дала жауқазыны», «Бір ауылдың түлектері» т.б. Шетінен сыңғырлап, күмбірлеп тұр. Осынау көркем очерктер үлкен прозаға апарар алғашқы із болғаны ақиқат. Ал ол баспалдақты қалайша жоққа шығармақпыз?! Мүмкін емес фантазия!

...Ақырын жүріп, анық басатын Толымбектің өмірлік берік ұстанымы – «бетегеден биік, жусаннан аласа» дейтін халықтық қағида. Аягөздің сұлу саясында, Ақтас тауының баурайында, атының өзі әйгілеп тұрған Отияр ауылында түлеп-ұшқан жазушы ініміздің тындырған енбегі, зер салған адамның көнілін толтырарлық. Бұл кунде талғампаз оқырманның сүйікті қаламгеріне айналған Т.Әбдірайым шығармаларын цифр тілімен дөңгелетіп, төмендегіше бейнелер едік. Ол 10 прозалық жинақтың, 117 әңгіменің, 25 ертегінің, 3 хикаятын авторы. Бірнеше әңгімесі мектеп оқулықтарына енген. Әр туындының, әр кейіпкердің өз тағдыр-талаіы бар. Ал сол тағдыр таңбалары төнірегінде алқалы пікірлерін ортаға салып, өз ойларын білдірген зияльлар легі бір шоғыр. Қазақ сөз өнерінің бүтінгі көшбастаушылары Әбіш Кекілбайұлы мен Әкім Тарази секілді ағалар сапынан Серік Негимов,

Нұрдәulet Ақыш, Балтабай Әділов, Дәүлетбек Байтұрсынұлы, Асқар Алтай, Сұлтан Қалиев, Шанизада Әбдікәрімов, Жұма-Назар Сомжүрек, Тұрдыбек Мәмесейіт, Сара Латиева, Дәурен Куаттарды көру қандай ғанибет.

«Теніздің дәмі – тамшыдан» демекші, кәнеки төмендегі үш үзік лебізге үңілейікші. Ән тағдыры, композитордың творчестволық тағдыры хақындағы деректі әңгімелер жинағына жазған алғысөзде Халық жазушысы Әбіш Кекілбайұлы өз ойын тереңнен толғайды: «...Тарихтың әр батырдың әр шайқасының жай-жапсарын бажайлай баяндағаны сияқты әр суреткердің әр туындысының да егжей-тегжейіне емірене үңіле білгені лазым екен.

Толымбек Әбдірайым әдебиеттіңде дәл сондай мақсатпен тыңға түрлен салып, «Ағыл-тегіл» атты деректі әңгімелер кітабын тудырыпты. Бұл – бір өркен жаяр өнеге болса керек. Оның бүтінгі тындарман қауым тарапынан бірдей ризашылыққа ие болатынына кәміл сенемін».

Ал филология ғылымдарының докторы, белгілі әдебиеттанушы Нұрдәulet Ақыш жазушының өгей бала тағдырын сөз еткен повесіне ерекше тоқталады. «Кейіпкердің жан дүниесін аша отырып, оқиға дамыту ұстанымы – Толымбек Әбдірайымның «Алабұға аулаған күн» прозалық жинағына енген прозалық шығармалардың табиғатына тән. Осылардың ішіндегі көлемдірігі «Тұнжыр» хикаятында өгей баланың жан дүниесі суреттеледі. Өзі ішкіш, өзі ынжық әке ұлын кейінгі үйленген әйелінің тепкісінен қорғауға құлықсыз. Бұл шығарманың кейіпкері он екі жасар бала болғанымен, ересек оқырманды да енжар қалдырмайтын деңгейде. Өйткені, мұнда көтерілетін негізгі мәселе – ата-ананың ұрлап алдындағы парызы.

Жас оқырманға керегі оқиға болса, Т.Әбдірайымның әр әңгімесі сюжетті, қызықты штрихтармен оны қоюлатып отыруды да ұмытпайды» десе, Халықаралық «Алаш» әдеби сыйлығының лауреаты, Толымбек қаламынан шыққан әр туындыны жіті қадағалап оқытын, пікірлес-дос Асқар Алтай өз ойын шегелеп жеткізеді: «Балалар әдебиеті мүлде жоғалып кетті деген өтірік сөз. Әдебиеттен мақұрым адамдардың сандырағы! Бұл қате түсінікті өзгерту керек-ақ. Тіпті, осы дүмбіlez ойды халықтың санасына сіңіруге күш салып жатқан журналистер де жетерлік. «Отыз тістен шыққан сөздің отыз рулы елге жайылатының» естен шығармаған абзаз.

Мысалы, балалар әдебиетіне қомақты үлес қосып жүрген жазушылардың бірі де бірегейі

- Толымбек Әбдірайым. Сиысы әлі кеппеген кітабында «Тұңжыр» деген хикаят бар. Ол кез келген баланың жан дүниесін төбірентер, керек десеңіз, үлкен адамдарға да ой саларлық дүние. Тілі қандай женіл. Қысқа да нұсқа әңгімелері бір тебе. Сондықтан қолда бар жақсы туындыларға көз жұма қарамай, жанкешті жазушылардың еңбектерін жан-жақты талдап отырғанымыз жөн». Жүрекжарды төбіренистер бізді де қуантқан...

Демек қаламгер Толымбек Әбдірайым жазған үлкенді-кішілі шығармалар жұрт көзінен таса қалмай, қалың оқырман қолында, сарабдал сөз сардарларының назарында. Киелі мамандық иесіне бұдан артық бақыттың қажеті де жоқ.

II.

Баянымыздың беташарында мегзегенімдей заманында Толымбектің қазақ балалар әдебиетіндегі өзіндік орны, дара қолтаңбасы тұрасында қалам тербегеніміз бар. Енді бір мезет соған көніл аударыңыз. Өткен ғасырдың жетпісінші-сексенінші жылдар ойға тускенде, жалындаған жастық шағымды, әдебиетке қатар келіп қалам тербеген менің тұстастарымды әркез сағынышпен еске аламын. Сол жылдарда балалар тақырыбына бармаган жазушылар некен-саяқ. Әйгілі бала жанының бағбандары Сапарғали Бегалин, Мұзафар Әлімбаев, Бердібек Соқпақбаев секілді ағаларымызды айтпағанның өзінде, танымал жазушыларымыз Мұхтар Мағаун, Оралхан Бекей, Молдахмет Қаназов, Тынымбай Нұрмажанбетов, Шәкен Құмісбаев, одан кейінгі толқын – Марат Қабанбаев, Жакау Дәуренбеков, Сайлаубай Жұбатыров, Мәди Айымбетов, Бекен Ұбырайымов, Несілбек Дәутайұлы, Тұрысбек Сәукетаев, Балтабай Әділов, Габиден Құлахметов, Нұрғали Ораз, т.б. тіzlіп буын-буынға жалғасып кете береді.

Ол кезде балалар мен жасөспірімдер тақырыбын қомсынбай, барлық белгілі ақын-жазушылар белсene қатысатын. Шыны керек, сол кездегі дәстүрлі бәйгеге Баспа, полиграфия істері жөніндегі мемлекеттік комитет, Қазақстан Жазушылар одағы және “Жалын” баспасы үйіткы болатын. Ал әділ де қатал конкурс талай таланттың есімін әйгілеп, қалам қарымын дүйім жүртқа танытты.

Қазір ше? Ондай ынталандыру, ондай дүбірлі бәйге жоқтың қасы. Балалар мен жасөспірімдерге арналған “Балдырған”, “Ұлан”, “Ақ желкен” тәрізді төл басылымдар ғана өз үрдістерінен жаңылған емес. Балаларға арналған деп айдар тағылып, кейінгі жылдары жарық көре бастаған

басқа басылымдардың әлеуметтік-көркемдік жүгі мен талап-талғамы көп кемшін.

Әйткенмен балалар тақырыбына қалам тартып жүрген жазармандар жоқ деп аузымызды құрғақ шөппен сұртуғе болмас. Біраз жыл әдебиет айдынынан алыстап кеткен талантты балалар ақыны Асқаржан Сәрсеков өзгеше екпінмен, тың серпіліспен өз ортасына оралды. Дара қолтаңбалары қалыптасып, айшықталған ақындар Өтепберген Ақылбеков, Нұрлан Қалқа, Әкім Ыскактың шығармашылық әлемі жеке-жеке әңгімелеуді қажет етеді. Кішкентайлардың өміріне деңдеп ену, балғындардың жан-дүниесін сергек сезіну, олардың болмыс-бітіміне тереңірек үңілу әрдайым биік мұратқа бастаса керек. Ал балалар тақырыбын қаузап жүрген жазушыларға келсек, Шәкен Құмісбаев, Балтабай Әділов, Айса Хамзаұлы, Әлібек Файзулаев, Толымбек Әбдірайым, тараздық Нұрлан Есенов, шымкенттік Нұрғали Кадырбаев, қызылордалық Жеткерген Әбдіреев, балауса қалам иелері Нұрлан Құмар мен Ағила Саурандардың жазған тұщымды әрі тартымды дүниелерін қызыға қадағалаймын.

Осылардың арасынан сүйікті тақырыбынан айнымай, өнікті жазып жүрген жазушы Толымбек Әбдірайымның шығармашылығына арнайы тоқталғым келеді.

Қанша қыын десек те, қылыш-қылыш баспалардан шығып жататын кітаптардың саны сиреп көрген емес. Бірақ... сол кітаптардың арасынан балаларға арналған дүниелерді аз ұшырататынмыз анық. Осы тұрғыдан келгенде қаламгер Толымбек Әбдірайымның өзім танысқан “Аққояның үйшігі” жинағы елең еткізген еді. Әңгімелер мен ертегілер, мысалдар және повесть топтастырылған жинақтың көтеріп тұрған жүгі едеуір салмақты екенін қадап айткан жөн.

“– Айдын-жан! Қайдасың!

Алтап ыстықтан сая табу үшін терезелері пердемен тұмшаланған қара көленке төрғі бөлмеде таң атпастан теледидар тамашалап, қос құс жастықты жастанып, шәнип шалқасынан жатқан тәмпіш танау сары бала үшінші мөрте аты аталағанда ғана:

– Мұнданын-н... – деді мұрны астынан естілерестілмес мінгірлел.

– Әлима әжеңнің үйінен сүт әкеле қойшы... жүгіріп...”

Осылайша басталған “Сұтсіз шай” әңгімесі кішкентай оқырманды бірден еліте, қызықтырып, жетелей түседі. Ары қарай не болады екен деп оки түсесіз.

Қолына үш литрлік пластмасса ыдыс ұстап, жалаң аяқ, жалаң бас көшеге шыққан Айдекен

— Эліма әжейдің сотқар немересі, ұзынтыра Рұстеммен ескі клуб ғимаратының алдында ұшырасады. Қай кезде де көздері ойнақшып жылт-жылт етіп жүретін, бұзақы Рұстем Айдынды кесе-көлдененцеп, жолын бөгеп қызық бір ойынға шакырады. Шешесінің тапсырмасын орындағын деп жанұшырып келе жатқан Айдын Рұстемнің этеш төбелестіреміз деген тосын ойнына қызығып, оның сонынан еліре еріп журе береді.

Әтештер сайысын Айдын мен Рұстем ғана тамашалаған әуелде. Әне-міне дегенше екеуіне Нұрбол, Бейбіт, Телегендер келіп қосылып, аядай ғана қора іші араның ұсындар гүлден, ысқырган, айқайлаған дауыстар естіле бастайды. Атой салып, бет қаратпаған қарсыласын шетінен жайратып жүрген Рұстемнің “герой” этеші бір кезде тырапай асып құлап түседі де, артынша сілейіп, жан тапсырады. Балалар тапырлай тұс-тұсқа тұра қашады. Айдын ғана ойланып, бөгелінкіреп кідіреді. Бір нәрсе ұмыткан сияқты... Ә-ә, есіне түсті. Сүтке жіберген еді ғой аласы. Енді не істеймін деп Айдын қатты сасады. Рұстем болса айылын жиyr емес. “Әліма әженің сирын бұзауы еміп қойыпты, сүт жок деп айт апаңа” деп етірікті қисындырып жібереді. Өзге амалы қалмаған Айдын еріксіз шешесіне досының әлті “акылын” айтады.

Түске тақау Айдынның аласы Әліма әжейдің үйіне келсе, шай ішіп отыр. Кәдімгі сүт қатқан кою күрен шай. Енгізу сыргактап сұрағанда, Айдынның сүт сұрап бұл үйге келмегені анықталады. Раушан тәтейдің өзі етірік айтып отыргандай ыңғайсыздана қысылады.

Міне, шағын болса да, айтары салмақты, шып-шымыр әңгіме. Сотанақ Рұстемнің сөзіне еріп, етірік айтып, аласын ренжіткен Айдынның қылғына сіз де қынжыласыз. Өтіріктің орға жығатынын, олай істеуге болмайтынын пайымдар еді әркім-ақ.

Кітаптың екінші бөліміндегі ересек балаларға арналған тартымды, айтары мол, тәрбиелік мәні өзгеше дүниелер қатарына “Оқсыз мылтық”, “Корадағы қазына”, “Сол бір қыста...”, “Бір тал гүл” тәрізді әңгімелерді қосуға болады.

Жалпы, мөлтек әңгімелер мен шағын мысалдар, ертегілер жазу екінің бірінің қолынан келмейтіні әлмисақтан белгілі. Өйткені, кішкентайларды шымыр да, әп-әдемі, тартымды әңгімелермен ойға шомдыру қыннның қыны. “Сәбидің тілін түсінген жазушы, әлемнің құдыретін біледі” деген екен атақты балалар қаламгері Антуан де Сент-Экзюпери. Себебі, олар айналада болып жатқан құбылыстарға, жаңаңылқтарға, өзгерістерге үнемі сергек қарайды. Демек өзі көріп-білген, я болмаса

естіген жайларды тұра қаз-қалпында қабылдауға әзір. Сондықтан да Толымбек өз шығармаларында баланың кір шалмаған пәк көңілін аулауды, сөйтіп оларды еріксіз ойлауға зер салады. Мәселен, “Қайыңның көз жасы” әңгімесінде көкке өрлеп жасыл жапырақтары жайқала өсіп тұрған бала қайыңның жалқы талын Өрен есімді алты жасар ұл сындырып алды. Бұл оқиғаны көрші Әбуталап карт көріп отырған. Кешкүрим бала бұтағы сынған жас қайыңнан су тамшылап тұрғанын байқайды. Сол кезде өзіне таяп келген ақсақалдан бұның себебін сұрайды. “Су емес... Қайыңның көз жасы, – дейді кәрия. – Біреу бұтағын әдайелеп сындырыған. Жаны жараланып, ауырып, жылап тұрған соған! Шөп атаулының, ағаштың да жаны мен жүрегі бар! Адамдардан аялы алақан, шуакты мейірім тілейді! Ал қатығез жүрексіздердің жасайтындары осы...” Өрениң беті ду ете қалады. Истеген ісіне үялады. “Енді сындырмаймын, ата!” деген сөздерді іштей қайталайды. Былайша сырт көзге еленбейтін шағын деталь! Ал ой жүгірткен, зерделеген жанға бұл мөлтек әңгімede қаншама тағылым-тәрбие жатыр.

“Мақтаншақ сары сағат” ертегісінде әдеттегідей көріністі суреттей отырып, көпшілігіміз елеп, байқай бермейтін сәтті бала жүрек жадына шеберлікпен үялатады. Жаңадан ғана сатып әкелінген қоңыраулы сары сағат кабырғада бұдан он жыл бұрын осы үйдің қастерлі бүйімі ретінде төрге ілінген қоңыр сағатпен сөз қағыстырады. Құні кеше келгендігін арқа тұтып, кеуде соғып мактанады. Ертеңін көз алдына елестете алмаған мақтаншақ сары сағат кешікпей шифонъердің үстінен құлап қалып мертігеді. Сол мезет қиналған ол мұнын қоңыр сағатқа шағады.

“... – Қоңыр сағат-ау, қоңыр сағат. Маған көмегін керек сенің...”. Сілікпем шықты әбден. Саматтың істемегені жоқ. Бұкіл өн бойымда саутамтық жер қалмады. Қол-аяғым, өкпе-бауыр, жүргегім... бәрі-бәрі ауырады... Белім-ай, ойбай-ай! Қараши, сырқырап, қақсатып әкетіп бара жатқаны... Түпкі тегіміз бір, туыс едік қой...

– Не қыл дейсің маған?

– Мен диванның астында... түкпірде... қараңғы қапаста жатырмын. Самат таңертең осылай қарай лактырып жіберген. Содан тұра алмай... Тым күрығанда былайырақ... шығаршы жарық дүниеге... Өті-нем-м... Құдай ушін-н...

– Маған орнынан қозғалуға болмайды. Қозғалсам, тоқтап қаламын... Буынсыз жерге пышақ ұрма айналайын. Ренжіме!...

– Қоңыр сағат-т... бауырым-м... Жалына-мын-н са-ған-н... Қатығез болмашы... Құтқаршы

мынау қапастан... Жақсылығынды ұмытпаймын өле-өлгенше!..

Жағы сембей жалынып, даусы әбден қарлық-қанша сарнай берді, сарнай берді сары сағат..."

Осындай ұтқыр штрихты жазушы өзінің "Дәптер мен Әліппе" мысалына да ұтымды пайдалана біледі. Бірнеше жылдан бері жеткіншектердің білім нәрімен сусындаудың септігін тигізіп жүрген Әліппені "сен ескіріп қалған кітапсың" деп дүкеннен енді келіп, қызыл сөмкеге жайғасқан сужана Дәптер біраз әжуалайды. Артынша жаңбыр астында қалған Дәптерді иесі "керек етпей" қоқысқа лақтыра салады.

Мінеки, әңгімелер мен ертегілерге тиімді пайдаланылған осындай ұтқыр суреттер өзара қиуласып жатады. Басқа да ертегілер мен мысалдардың алтын арқауы, қызыл өзегі – жақсылыққа ұмтылған кішкентайларды имандылыққа, ізгілікке, мейірімділікке, еңбеккорлыққа тәрбиелеп баулу. Сондай-ақ, кішкентайларды ұшқалақтықтан сақтандырып, жаман әдеттерден бойларын аулақ салуға үйретеді. Өмірдегі өзара сыйластық, татулық, адамгершілік, табиғат күбылыстарын жіті бақылауға, адамдардың адаптациялық салдарын үй жануарларының мінез-құлықтарын тамыршыдай танып-білуге деңгеліңізде қартаған арттыруға септігін тигізетін "Хисмет ата", "Мөлдір бұлак", "Ақ жауын", "Бала-пан бакқан Батыр", "Елу тенге", "Кіндік шеше", "Тарқаған өкпе", "Күрең бие", "Жақсылыққа – жақсылық", "Ине мен жіп", "Шөптің қателігі", "Тарғыл мысық", "Жалқаулыққа кім үйір?" т.б. тәрізді алақандай әңгімелер мен ертегілердің қай-кайсысы да бейжай қалдырмайды, керісінше ілкі сәттің ой тұңғынына шомдырады. Ал, ойға шомдырар шығармалар жазу – қаламгердің қабілет-қарымы мен өзіндік дара қолтаңбасын айқындаса керек. Жазушының "Дала әуені" повесі – он үш жасар Мейірбектің үлкендермен бірге бір ай, үш жұз шақырым жол жүріп, облыс орталығындағы ет комбинатына екі отар қой айдағап апарып қайтқан қын-қыстау сапары жайында сыр өрбітеді.

"...Тыныш түн. Аспан төрінде жарқыраған жұлдыздар жусап жатыр. Дүние маужырап, бір мезет қалғып кеткендей. Тыныштық ұйып түр. Тек иіріліп, алқа-қотан жатқан отардың ішінен кейбір қойлардың пыскырып, түшкіргені ғана етіледі. Аулақта байғыз шақырады.

Мейірбектің үстінде қалың құпәйке. Аяғында көрзі етік. Басында малақай. Сақтық үшін қолына қамшымен қоса сойыл ұстаған. Тұнгі қой күзетіне өзі құранды. Әбілсейіт аға баласынып, көнбеп еді. Самат аға иліктірді-ау, ақыры. Тек жата-жатқанша: "Алда-жалда ит-құс білініп, отар үріккендей болса, бізге дереу хабарла. Сан соғып

жалмайық! Сақ бол! Үйқың келсе отырма! Арыбері жүр! Қимыл жаса! Оған шыдамасаң, мені оят – деді тәптіштей қайта-қайта тапсырып..."

Тау-тасты, қырат-белесті, адырлы жусанды дала, шөп бастарын болмашы тербеген майда самал жел, осының бәрі бала Мейірбектің көзімен әдемі суреттеледі. Хикаятын оқып отырып, өзіңіз де сол... жусан ісі аңқыған ке-е-ң жасыл жазираны кезіп кеткің келеді, көкорай шалғынға аунағың келеді...

Үзақ жол, еңбек қындығы үстінде қасындағы ағаларының қылыш-қылыштарын, іс-әрекеттерін көрген, одан өзінше ой түйген баланың есейе бастаған сезімтал санағы, айналасын жіті бағдарлауы ересектердің өзін қызықтырғандай. Бас-аяғы жұмыр, жүрек қылышын қозғар әсерлі туынды атақты Антон Чеховтың әйгілі "Дала" повесін еске оралтқандай күй кешесіз.

Осы ретте оқиғаны шымыр әрі ширак өрбітіп, өрімталдаресінде ұзақ-сақталатын шығармалардың енсесін көтеріп түрған жазушының шырайлы да шүрайлы тілін де ерекше айтқан ләзім.

Әңгіме сорабында мегзегендей, жаны таңғы шықтай мөлдір, қауырсын қиялдары ұшқыр, әрі бояуы қанық балалар әлеміне әр қырынан барлау жасау оңай емес. Жазушыдан бүлдіршіндер табиғатын жетік білүмен бірге, байқампаз қырағылықты талап етеді. Ең бастысы, жеткіншектер жайында жазып отырғанда жұмбағы сан қабат айнала-төңірегіңе бала көзімен қарап, балғындар тілімен сөйлеп, сәбі сезіммен ой жүгіртуің тиіс. Балалар бейнесін мүсіндей, кескіндеуде, олардың іс-әрекеттерін наңымды әрі шынайы шығару үшін шығармада ұдайы жарыстыра суреттегелетін табиғат көріністерін шебер қиуластыру – қай қаламгердің де айқын мақсаты. Осы үдеден көрінген жазушы Толымбектің ізденісі қуантады.

Бел-белесті ұзақ жолға түскен ол көгілдір көкжиекті беттеп барады. Қадамы нық.

...Уақыт тоқтамайды. Содан бері де өзіндік бедер-ізін сыйып, біраз жылдар дөңгелепті. Кері қайтара алмайтын сол сағынышты жылдардың қанатымен бірге есейген Толымбектің шығармашылық әлемі де мәуелей түскен. Кітап үстінен кітабы қосылып, қиял пырағы бәйгетебенің төрінен көрініп, игілікті еңбекі өзі туып-өскен Аягөз ауданының күрметті азаматы деген биік мереіге бөлеп отыр. Ендеше, менін де ой-пікірім сол бәз-баяғы тұнық қалпында. Қаламының жемісін талмай тере бергейсін, жазушы бауырым!